

明德
學校
畧史

明德學校略史

目錄

序文

創辦人肖像

校訓

沿革志略

逐年肄業畢業人數表

開辦時總理龍芝生先生暨教職員學生攝影 前清光緒二十九年三月

黃克強先生主任本校師範班畢業全校教職員學生攝影 前

清光緒三十年四月

黃克強先生辭南京留守回湘蒞本校與昔日本校教職員學

生紀念攝影 民國元年十月

本校北京大學部歡迎主辦龍硯仙先生攝影 民國四年十二月

本校留學日本校友會成立攝影 民國六年九月

本校旅京校友會成立攝影 民國八年六月

本校旅滬校友會歡迎校長胡子靖先生攝影 民國十一年一月一日

最近漢口明德大學校教職員學生攝影 民國十一年一月

長沙中學舊校攝影 計六張

長沙中學新校攝影 計八張

民國紀元前九年余從黃公克強入
長沙四方弱冠少年喜作汗漫遊於
學非有專長適胡子靖先生創辦
明德經正學堂約為教授今日教
授非所能宣傳革命則力遂任歷
史一科開宗首講法蘭西大革命
史是時長沙執政熱心興學取致位
主義數十公私學校皆為革命黨所
據一時英俊如趙聲吳祜貞蘇曼
殊梁渡諸君子四方來集人材稱盛數
年學子精神煥發皆有任大難肩大
事之概非如今日輕薄挑達徒以高談
主義為沽名異也驅除胡清創設民
國湘人為中堅癸丑以來北軍駐防長

以武漢以不士氣消沈使人蹂躪甚或結
願武人以行豪霸如顏婢膝恬不知羞
獨湘者與大軍鏖戰屢仆屢起魏然為
西南屏障民國九年余再至長沙聞諸
故舊明德學子如甯調元姚宏業等殉
身國事者數十人為之悽然嗚呼列矣
若湘南者而與斯巴達比利時齊美
以文弱而服為醜辱者之胡尤之二
十年顛沛堅苦卓絕維持明德始
終不懈為國家儲革命人才為社會
造廉恥基礎豈但教子弟以謀生業養
妻孥釣虛譽為職志者所可同日語
哉

(一) 創 辦 人 肖 像



譚 延 闓



龍 璋

(二) 創 辦 人 肖 像



胡 元 倓



龍 絨 瑞

堅苦真誠

訓

校

沿革志略

前清光緒末葉政府鑒於庚子之禍漸知注重教育詔各省振興學務並資遣遊學以開蔽塞壬寅歲湘撫俞廉三先生從學務處提調羅正鈞先生之請首派湘中士夫學有根柢者十餘人赴日本習速成師範聽講之外兼事參觀本校校長胡元倭先生與焉胡先生居東一年精研熟察知非從教育着手不足以救亡非辦私立學校不足以行志因立志回湘創辦私立學校而規畫一以慶應義塾爲法蓋慶應即以私立學校著名日本而創辦慶應之福澤諭吉乃日本教育界首出之人尤爲胡先生所佩仰者也是年冬胡先生返國適龍璋先生官泰興胡先生遂赴泰興商定創辦私校之計而請龍先生之叔在藉刑部侍郎湛霖先生主其事是本校之發生實胡先生經始之力也先是胡先生在東時曾與同學劉佐楫先生有同歸辦學之約故於癸卯春間本校開辦之先仍約劉先生及龍侍郎長子絨瑞先生共同規劃定名明德學校暫賃左文襄祠所管房屋爲校舍龍侍郎欣然提倡允任總理龍璋先生則擔任經費而開辦之費有缺則劉先生挹注之本校遂於三月二十九號成立矣其時湘中僅有官立之高等學校師範館私立學校實以本校爲嚆矢本校成立三閱月譚延闓先生來校參觀深表贊同首捐千金以資推廣並承認英文教員薪金年近千元胡先生遂赴杭聘華龍先生教授英文至滬聘黃興先生主辦速成師範復添招中學一班是時劉先生因與地理教員周震麟先生意見不洽乃媒蘖於有力之舊紳學校幾至傾覆迨暑假中胡先生自滬歸謀之於龍譚兩先生別立經正學校將新招中學一班編入而讓明德與劉先生專辦學校賴以保存此後日明德經正所以有合併之舉也而明德歷史之波折此其

始其後劉先生以不洽輿論復失學生信仰自請辭職明德之事仍由龍譚諸先生主持是時趙爾巽先生撫湘以振興教育爲任對於本校尤加獎許特准由善後局月給補助費百金爰賡續前議設速成師範班蓋辦學之始師資缺乏師範之設急不容緩也議定遂由組織人公推黃忠浩先生任總理黃興先生任教務并延聘張溥泉秦效魯吳綬卿金封三李廉方諸先生任講席頗稱一時之盛而兩校學生頓增至四百餘人

甲辰春上海道湘潭袁樹勛先生捐助本校萬金胡先生因赴滬購辦理化器械并得南通張謇先生之介紹聘日人掘井覺太郎任理化教員乃暫借西園周氏花園爲校址以袁先生捐款建築理化教室普通教室及教員室一大棟第一期師範班共一百十八人畢業後復開辦第二期師範并理化選科添招中學一班是爲第二班附設高初兩等小學於是學生人數增至五百餘人而本校聲譽日隆矣其時民間病內政之窳敗感外患之逼迫改革之情日烈而政府防範之心亦日密黃興先生於改革事既思有所組織遂辭校中職務以免牽涉而黃忠浩先生適有廣西之行仍由龍侍郎任總理九月黃先生所謀事洩營兵圍其私宅大索不得蓋黃先生已於先一時頃避校內復得龍侍郎父子之力間關出險矣然風聲所播學校復瀕險境而本校終未停課一日則學務處總辦張鶴齡兵備處總辦俞明頤兩先生維護之功也此本校有歷史以來第二次之危險也是年冬第二期速成師範一百人畢業

乙巳春端方先生撫湘下車之始卽免去本校借用公款四千元三月蒞兩校考察將兩校甲班學生派遣日本留學復加給明德津貼月七百金經正月三百金皆由銅元餘利項下支撥是年總理龍侍

耶去世公推譚延闓先生爲總理時常德官立中學校主辦人李致楨陳潤霖兩先生因事去職學生亦相率解體而程度已達中學二年以上陳先生惜之商之本校謀收容之法乃分爲師範及中學兩班師範設於明德中學設於經正是爲經正第二班并請陳先生任經正教務李儼先生任明德教務是年選科七十二人高小第一班十九人畢業

丙午春胡先生以師範中學粗有規模而中學生升學之途急待謀畫於是有擬辦高等商業專科之議蓋亦本慶應義塾之成規也三月胡先生入京赴部呈請得前部侍郎唐文治及嚴修兩先生之助會商商學兩部先後奏准立案復由學部咨湘省政府加給津貼月三百金由商部咨湘省政府撥給西園大灣內官地三千餘方而建築之費甚鉅一時萬難籌措乃以津貼向政府抵借二萬金始於冬間興工在大灣建築校舍是年陳潤霖先生因自辦楚怡小學辭經正教務之職請仇道南先生繼任

丁未春新校落成計教室兩大棟木建三層大樓一棟以財力不足專科尙難開辦乃將小學部先行移入中學部仍設周氏花園租賃左祠之屋則悉行退去是爲本校自有校址自建校舍之始而湘省政府忽有停鑄銅元之舉兩校津貼同時停支當進行極力之時條逢此意外之變學校頓形險象胡先生遂隻身赴奉求援於奉督趙爾巽先生趙先生首助萬金張鶴齡先生繼之亦助千金兩校目前之危賴以解除而常年經費仍不能不恃津貼胡先生遂復入京呈部請維持津貼原案得部批准咨湘七月以後始得恢復是年經正中學又屆畢業之期而湘省高等專門學校僅有實業及法政兩校商業一科尙付闕如而前年擬辦高等商業乃以財力不充而停滯

此次胡先生以在京之便遂先與大清銀行約擬於高等商業專門內先設銀行專科畢業後即以大清銀行爲練習之地呈請度支部批准八月胡先生赴日本訪聘教員均主張設於上海胡先生回國後卽假定上海斜橋湖南會館設上海明德分校租定民房爲寄宿舍并將一切設備佈置就緒而以招生事託之楊守仁先生胡先生乃回湘舉行經正中學畢業禮經正第二班畢業學生共三十八人而上海招取新生得三十餘人銀行科學生已得遂籌備明春開學事

戊申正月上海分校所約教員因事不能任職於開學之事遂生困難胡先生乃赴江寧商之江南中等商業學堂教務長陳福頤先生謀將銀行科移設南京取銷明德分校字樣租定房屋呈請兩江總督立案適端方先生由湘撫調任江督素知本校內容極力提倡遂命改爲官立南京高等商業學校收經正畢業生及上海招取各生另委監督以總其事而留胡先生在該校任事上海分校雖未實現而畢業各生得一升學之途矣此本校第一次謀設高等商科之波折也是年高小第二班五十八人畢業

己酉二月胡先生自江南歸計本校成立已屆七年日爲財政支絀所苦胡先生奔走不遑仍無充裕之一日校內任事諸公如廖名綰仇道南各先生乃發起以節省爲維持之法將財政事宜統歸譚延闓先生負責於是喘息爲之差定乃注全力於建築校舍一事是年計成西式樓房兩棟於新校西南面折去木質大樓改置新校西面爲兩層教室六大間建西式磚屋一棟於後面塘沿以爲普通教室特別教室理化器械室教員住室屋內操場之用共廿有餘間建築之費則譚先生之所借墊也校舍既足用乃於中學外復設中等商

業科兩班此爲本校自辦商業專科之始是年高小第三班三十四人畢業

庚戌春本校向長沙大清銀行假款萬六千元得略還舊欠并於南面拆卸木樓舊址建西式磚屋一大棟爲事務所於是全校校舍略具規模至此乃大是年明德中學復屆畢業之期擬卽於漢口設立明德高等商業專門部以繼前志九月胡先生入京呈部立案已蒙批准而胡先生有充任日本留學生監督之命遂未卽進行此本校謀設高等商科之第二波折也是年明德中學第四班五十八人中等商業科四十五人高小第四班二十五人畢業

辛亥添設法政別科銀行專修科兩班八月武昌起義九月一日湘省應之公舉譚先生爲都督軍事陡興經費因之奇絀在事諸人及學生多有從事改革者省中學校皆停課本校至此遂亦停課數月十月胡先生歸自日本是年高小第五班二十人初小第一班三十三人畢業

民國元年湘中改革事竣秩序全復氣象爲之一新各校均次第開學明德經正兩校前之所以分立者原爲趨避風潮起見以爲萬一校不成尙得保存一校蓋居專制政府之下不得不爲此委曲求全之計也今政體既經改革自無分立之必要故龍譚胡諸先生相與會商卽將經正學堂名義取銷房屋及津貼均歸併明德於是統籌全局共設四部各設主任一人一專門部設商業及政治經濟兩科附設法政別科及銀行專修科請胡邁先生爲主任一中學部請舒翰祥爲主任一高小部請黃堃先生爲主任一初小部請唐憬仁先生爲主任而中小兩部班次年級均相銜接於是學級之組織亦略具統系矣暑假中將假得周氏花園及園中本校所建房屋悉付

周劍凡先生助其推廣女學之用而新校以人數大增尙不敷用乃租民屋爲學生寄宿舍六月胡先生入京會同黃興先生呈部設立大學於漢口先設文法商三科並領得度支部飯餘金八萬餘元爲政府補助經費是年銀行專修科八十五人中學補習科四十八人高小第六班二十人初小第二班三十人畢業

民國二年因漢口大學不易組織改設北京請章士釗先生爲校長旋解職去請李儼先生繼任將本校專門部商業及政治經濟兩班悉送北京肄業又招取大學預科一班是爲本校有大學之始長沙仍分中學高等小學初等小學三部中學部主任舒翰祥先生解職請何衡先生擔任法政別科則由吳治李光第兩先生先後擔任是年學生人數愈增校舍不敷用於訓育教務諸多不便乃以校中地產房屋向實業銀行抵借五萬元收買毗連本校之民房地產共千餘方建築兩層磚房三十餘間爲中學寄宿舍又於舊經正學校餘地建築兩層磚屋二大棟爲小學寄宿舍是年中學補習科八十五人高小第七班三十二人初小第三班四十人畢業

民國三年本校大學部得教育部認可并特令褒獎是年法政別科一班六十一人中學第五班三十一人中學補習科三十人高小第八班三十人初小第四班四十人畢業

民國四年教育部舉辦全國專門學校成績展覽會審查結果本校大學部得七二八分實居全國私立大學校之首四月胡先生在京知政府將有變更國體之意與李校長商定俟三班學生畢業後暫時結束故大學部未繼續招班此本校大學部停頓之原因也是年中學政治科一班二十六人中學第六七班共六十人高小第九班四十八人初小第四班三十五人畢業

民國五年四月本校大學部三班均先後畢業即呈准教育部暫時收束仍留漢口原案以爲後日之續八月中學部得王錫光先生捐款二千元譚莢生先生捐款五千兩建築兩層磚房一棟計六大間又收買附近菜園地皮二百餘方以益操場全校至此計共有地皮五千餘方矣是年中學第八九班共一百一十七人高小第十班四十一人初小第五班三十人畢業

民國六年部視學李步青先生來長沙視察學校回部報告有湘省教育之發達與學術之進步頗受私立學校之影響明德學校創辦於光緒二十九年各班畢業生已達二千人迄今任湘省政學界要職者多出於該校規模宏大成材衆多在中國私立學校中實爲有數之學校等語由部特獎成德達材匾額一方懸之校中以示鼓勵是年添設高等商業預科請黃理中先生爲主任中學第十班四十七人高小第十一班二十四人初小第六班二十八人畢業

民國七年爲本校成立第十五週擬舉行紀念會以湘省兵事擾攘未果行胡先生亦不能安於湖南避居北京而學校則未嘗一日停課其所以不至破壞者蓋得黃理中先生之力爲多是年冬黃先生有坎拿大之行經正中學第二班學生向紹軒先生自英國愛丁堡大學畢業歸繼任其事時中交兩銀行各捐助大學部兩千元遂添招銀行科一班是年中學第十一班三十一人高小第十二班二十四人初小第七班二十六人畢業

民國八年范源廉先生自美考察歸國深覺私立學校亟宜推廣對於本校尤願竭力援助胡先生因與商定將本校專門部移設漢口廣續前案擴充爲大學部八月暫租漢口大智門禮和洋行製革廠爲校舍適湘省公立商業專門學校停辦有學生兩班尙未畢業自


請附學又特設一班以收容之是年中學部主任何衢先生辭職本校中學第四班畢業生謝真先生自日本東京高等師範畢業歸繼任其事未久湘中學界羣起攻擊張敬堯全省各校一律停課十月本校中學及高小兩部輟講謝真先生仍赴日本考察教育

民國九年上學期驅張運動未告終省中學校仍相率罷課五月張去位謝真先生自東京歸銳意改造本校定將來計劃於教務訓育二者既力求完善而學生體力及情感兩方亦亟謀強健優美設施粗備大改舊觀但經費因之驟增而時局迄今多難胡先生雖竭力籌撥仍不易支撐對於小學勢難兼顧且深知小學一部之事非以全力注重之不易臻於完美爰將小學暫行停辦此本校小學部停頓之原因也是年大學部商業專科銀行科共二十七人畢業中學第十二班十五人畢業

民國十年大學部得中國交通金城大陸四銀行補助常年費共八千元哈爾濱戊通航業公司補助二千元而常年經費雖極力撙節尚須兩萬餘元而建校舍募集基金諸端又亟待舉行加以中學部爲增加設備填校中池塘一口以擴充操場面積改舊宿舍爲浴池以及修理各處所費甚鉅財政之困絀遂達極點矣是年大學部校舍因中德簽立和約禮和洋行房屋勢須退租乃另於俄租界鄂哈路賃西式樓房一棟暫作教室於洪春里租住宅三棟暫作寄宿舍商業專門第二班十五人畢業中學第十三班十四班四十四人畢業此本校自發生迄成立十九年沿革之略志也綜而觀之本校經費之困難無日無之而本校教務之進行則未嘗因之稍止此固由本校創辦人龍譚胡三先生宏毅有爲所致而國內明哲之所錫已多爰述其梗概如此望賜觀覽而匡其不逮則本校他日之光榮當更無限量矣

逐年肄業畢業人數表

肄業		學		畢		業	
年	假開學後	暑假開學後	暑假	前	年	假	前
前光緒二十九年	一百二十五名	二百二十名			連成一百十八名	師範一百名	連成一百名
光緒三十年	二百四十名	二百八十名			理化選科七十二名	高等小學十九名	
光緒三十一年	二百一十名	二百三十名			永久師範十六名	理化簡易科十七名	
光緒三十二年	三百七十名	三百八十名		東語科九名	中學一百四十八名	預科一百四十八名	
光緒三十三年	三百四十名	三百五十名			高等小學五十八名		
光緒三十四年	二百九十名	二百九十名			高等小學三十四名		
宣統元年	四百七十名	四百九十名			中學五十八名	中等商業四十五名	
宣統二年	四百八十名	四百九十名			高等小學二十五名		
宣統三年	六百一十名	六百四十名			初等小學三十三名		
民國元年	八百五十名	八百五十六名			銀行科八十五名	高小三十二名	
民國二年	九百一十名	八百五十名			補習科八十五名	初小四十二名	
民國三年	九百四十名	九百五十名		注政別科十名	中學三十一名	高小三十一名	
民國四年	七百二十名	六百九十名		初小四十五名	補習科三十名	大學政治科三十名	預科十八名
民國五年	五百四十名	五百四十名		中學商科二十六名	大學商科二十六名	中學四十九名	
民國六年	五百五十名	六百四十名		初小二十八名	初小二十八名	中學四十七名	
民國七年	五百八十名	三百四十名		高小二十四名	初小二十六名	中學三十一名	
民國八年	四百五十名	五百名				中學二十四名	
民國九年	中學停課 一百六十名	三百四十名		大學商科七名		銀行科二十名	
民國十年	三百一十名	三百二十名		商科十五名	中學二十四名	中學十五名	
民國十一年	三百一十名					中學二十名	
				共一千九百九十三名			



開辦時總理龍芝先生暨教職員學員生攝影